

Bibiliya y'abana
irerekana

Isezerano
Imana yahaye
Aburahamu



yanditswe na: Edward Hughes

yashushanyijwe na: Byron Unger; Lazarus

yahujwe na: M. Maillot; Tammy S.


yahinduwe na: Yohani Batisita B.

yasohowe na: Bible for Children
www.M1914.org

©2013 Bible for Children, Inc.

Ufite uruhusa rwo gucapa no gukora kopi y'iyi nkuru
igihe cyose utagamije kugurisha.





Nyuma y'Igihe
kirekire umwuzure
ubaye, abantu kw'isi
bategura umugambi.



"tugiye kubaka umudugudu
n'inzu y'amatafari ndende igere
ku ijuru" baravuga. "Dukomeze
tubane ibihe byose" bose
bavugaga ururimi rumwe.



Imana yifuzaga ko abantu batura
hose mu isi yaremye. Yakoze
ikidasanzwe. Bidatinze abantu
bavuga indimi nyinshi zinyuranye.
Imana ibaha kuvuga
indimi nshya.



Abavugaga ururimi rumwe batangira kwivangura.
Batangira gutinyana kuko batumvikanaga mu mvugo.
ubwo nibwo buryo Imana yakoresheshe ibatataniriza
mu bihugu binyuranye.



Umudugudu bahagaritse kubaka wiswe babeli
bisobanura ngo urujijo.



Nyuma y'imyaka myinshi, ahitwa Uri
y'abakuludaya, Imana
ivugana n'umugabo
witwa Aburamu "Va
muri iki Gihugu"
Imana irategeka.
"Genda mu gihugu
nzakwerekana".



Aburamu arumvira. Imana imuyobora i Kanani.
Umugore we Sarayi n'umuhungu wabo Loti (muhungu
wa Harani) baramukurikira.



Bageze i Kanani Loti na Buramu
bagwijije ubutunzi. Bagize
amashyo y'amatungo. Ntabwo
bari bamenyereye ubworozi
bw'amatungo menshi.



Abashumba ba Loti
n'ab'Aburamu baratongana.
Aburamu ati: ntibidutere
gutongana. Ahubwo dutandukane.
Loti, Ni wowe uhitamo bwa mbere
aho ushaka gutura.



Loti ahitamo ikibaya kinini cy'ibyatsi
bitoshye kirimo imigi n'imidugudu.
Cyasaga neza. Aliko iyo midugudu
yari mibi kubera ibyaha.



Loti amaze kugenda, Imana
yongera ibwira Aburamu iti:
Nguhaye igihugu cya Kanani,
Iki gihugu ni icyawe n'urubyaro
rwawe iteka ryose.



Aburamu na Sarayi nta
rubyaro bari bafite. Ni
gute Imana yabitse
isezerano?





Abagabo batatu b'Imana
boherezwa kwa Aburamu na Sara.





Baravuga bati: "Mugiye kubyara umwana", Sara aratangara. Ntabwo yizeraga ubwo butumwa bw'Imana. Yari afite imyaka mirongo urwenda.





Imana ibwira Aburamu iti uhereye ubu
uzitwa Aburahamu (umubyeyi w'icyubahiro)
na Sarayi azitwa Sara umwamikazi.



Imana ibwira
Aburahamu ko igiye
gusenya imigi ya Sodomo
na Gomora. Umwishwa
wa Aburahamu yari atuye
Sodomo n'umuryango we.



Loti yemera integuza
y'Imana avayo aliko
abagabo ba bakobwa
be banga kuva
Sodomo. Mbega
ibikomeye! Ntabwo
bizeraga ijambo
ry'Imana.



Loti n'abakobwa be babiri
nibo babonye umutekano.
Umuriro w'amazuku utwika
iyo midugudu yuzuye
ubugome bw'Ibyaha.



Ikibabaje, umugore wa Loti ntabwo yumviye amabwiriza y'Imana maze areba inyuma ubwo yirukaga. ahinduka inkingi y'umunyu.



Imana yashoje
isezerano yahaye
Aburahamu
na Sara.
Babyaye
umwana
mu myaka
y'izabukuru
nkuko
Imana yari
yarabivuze.
Mbega
umunezero
bagize Isaka
amaze kuvuka !



Ahari na
Aburahamu
yatekerezaga ku
masezerano y'Imana
yo guhabwa igihugu
cya Kanani we
n'urubyaro rwe.



Imana igomba
gusoza iryo
sezerano.

Imana
iteka isoza
amasezerano.



Isezerano Imana yahaye Aburahamu
inkuru yo mu Ijambo ry'Imana, Bibiliya

Yavuye mu gitabo cya

Itangiriro 11-21

"Guhishurirwa amagambo yawe bizana umucyo."
Zaburi 119:130



Iherezo



Iyi nkuru itubwira iby'Imana yacu
nziza yaturemye kandi ishaka ko tuyimenya.

Imana izi ko twakoze ibintu bibi, yita icyaha. Igihano cy'icyaha ni urupfu, ariko Imana iragukunda cyane kuburyo yohereje umwana wayo w'ikinege, Yesu, apfira ku musaraba maze ahanwa kubw'ibicumuro byawe. Hanyuma Yesu arazuka, ajya mu rugo mu ijuru! Niba wizera Yesu kandi ukamusaba imbabazi z'ibyaha byawe, azabikora! Azaza, abe muri wowe, kandi uzabana nawe ubuzira herezo.

Niba ushaka kuva mu byaha byawe, bwira Imana uti:
Ku nshuti yanjye Mana, Nizera ko Yesu ari jye yapfiriye kandi ko uyu munsi ari muzima. Ndakwinginze ngwino mu buzima bwanjye, mbabarira ibyaha byanjye, kugira ngo none aha mbashe kubona ubuzima bushya, kandi umunsi umwe nzaze kubana nawe ubuzira herezo. Mfasha kukumvira no kubaho ku bwawe nk'umwana wawe. Amina.

Soma Bibiliya maze uvugane n'Imana buri munsi! Yohani 3:16

